

Pertandingan Robotik Peringkat Kebangsaan Tahun 2011

Kuala Lumpur, 29 September 2011 – Tiga orang pelajar Program Pendidikan PERMATApintar™ telah merangkul pingat emas dalam pertandingan Gen II Robot Soccer dan melayakkan mereka mewakili Malaysia untuk menyertai pertandingan World Robot Olympiad di Abu Dhabi, UAE pada 17 November 2011. Tiga orang pelajar tersebut adalah Arnold Yamil, Wee Miao Zi dan Muhammad Nur Sadiqin bin Mohd Khusni. Pertandingan Gen II Robot Soccer merupakan pertandingan robotik yang menggunakan set LEGO® MINDSTORMS™ di bawah anjuran SASBADI Sdn Bhd dengan kerjasama Jabatan Pelajaran Negeri Wilayah Persekutuan.

Pertandingan Gen II Robot Soccer ini turut disertai oleh lapan buah sekolah dari sekitar kawasan Selangor dan Kuala Lumpur. Antara sekolah tersebut adalah SM Teknik Gombak, SMA Persekutuan Kajang, Program Pendidikan PERMATApintar™, SM Teknik Setapak, SM Teknik Shah Alam, SM Sains Selangor, SM Teknik Kuala Lumpur dan SMK Taman Tasik. Pelajar yang menyertai pertandingan ini perlu membina set robot yang dilengkapi dengan dua jenis sensor yang baru iaitu Hi-Technic Compass Sensor dan Hi-Technic Infrared Seeker V2 yang disediakan oleh pihak SASBADI Sdn Bhd serta perlu mahir dengan sistem dan peraturan permainan bola sepak. Kejayaan daripada penganjuran pertandingan ini akan dijadikan sebagai program perintis untuk memperkenalkan kategori Gen II Robot Soccer bagi pertandingan National Robotics Competition pada tahun hadapan.



Cik Azrina Md Azhari (Mentor), Muhammad Nur Sadiqin bin Mohd Khusni, Arnold Yamil, Wee Miao Zi